




何義門先生手批藏本

宋龔希仲先生中興紀聞卷六全冊

咸豐四年甲寅三月梁溪楊謹堂題籤



中吳紀聞二卷為宋龔希仲先生撰校勘為義門先生手筆第
五卷缺一條義門借舊本而補之此書向各錄本及古毛子
始刊刻之予嘗見范文穆吳郡志所記吳中風俗人文既詳而
備書備索價過昂未能得至今猶往來于心茲得此書真足
為郡志之後勁矣傳稱希仲先生生平不摘人短不作親言每
自謂平日交用惟一誠字蓋亦純乎篤實君子也癸丑冬以義
門手批山谷題跋今又得是書洵稱二美具矣昔人云見異書而
眼明予愧學識滯陋且苦性健忘不能得其肯綮也

咸豐四年甲寅四月

金澤楊廷錫自識



高抄作景

中吳紀聞

吾家自先殿院占籍中吳距今幾二百禩相傳已及雲仍矣明之幼嘗逮事王父每聞講論鄉之先進所以誨化當世者未嘗不注意高何云少長從父黨游皆名人魁士及又獲識典刑於親炙之久乃從事於進取虞庠魯泮餘三十年同舍亦多文人行揭德振華咸有可紀厥後世異事變利門名路絕不復往由是聲迹益晦陋瓜疇芋區不過老農相爾汝所與矣談者無復

王去以淳熙九年
上湖先生始生
為括宗元祐
年辛未

禪抄作係

紀抄作記

有鴻儒矣竊嘗端居而念焉凡疇昔飫聞而厭
見者往往後輩所未喻今年九十有二西山之
日已薄恐其說之無傳也口授小子昱俾抄其
大端藏之篋衍不惟可以稽考往跡資助談柄
其間有禪王化關士風者頗多皆新舊圖經及
夷地志所不載者鬼神夢中雜置其間蓋效范
忠文東齋紀事體談諧嘲諢亦錄而弗棄蓋效
蘇文忠公志林體皆取其有戒於人耳昱新學
小生屬意不倫措辭無法不可以為書予意為

是不滿必得老於文者隳括之庶幾不為撫掌
之資而使後之人誦其所聞以代莊舄之吟爾
淳熙九年中和日宣教郎賜緋魚袋致仕龔明
之期頤堂書

毛斧季從崑山萊九來借得舊錄本乃其先文莊公萊竹
堂所藏故物開卷有文莊名字官銜三印卷末一行云洪
武八年從盧公武假本錄傳此書始自公武訪求核定
復出于世此同邑錄傳之本宜其可從是正也友人
王受桓借得斧季勘本子復傳焉因記其所自
康熙庚辰十二月十九日雪霽臆明呵凍書焯

中吳紀聞目錄
卷一

范文正公

許洞

丁陳范謝

辟疆園

鬪百草

陳君子

梅聖俞與僧良玉詩

半夜鍾

白樂天

六經閣記

唐郎官題名

丁晉公

解額

紅蓮稻

陸宣公

太乙宮

孫百篇

紅梅閣

蘇子美

先高祖

趙霖水利

黃氏三夢

龜山編

阜橋詩

謝賓客

張子野吳江詩

春申君

蔣密學

丁晉公拜老郁先生

李璋

木蘭堂詩

林大卿買宅

富祕監

智積菩薩

楊惠之塑天王像

三江口

王運使減租

鬪鴨

第二卷

姚氏三瑞堂

丁氏賢惠錄

張文定公知崑山

傳燈錄

曾大父

婁侯

滕章敏公

滄浪亭

范文正公復姓

鄭宣徽

五柳堂

林氏儒學之盛

中隱堂三老

國一禪師

葉少卿

二游詩

安定先生

蘇子美飲酒

張伯玉郎中

上方詩

陳龍圖使高麗

樂圃先生

海涌山

盧通議

閩門樓詩

隨緣居士

章守子用皂蓋

石點頭

軌革卦影

夢石天王像

改正洪範篇

范文正四子

林酒仙

章岷

鮓魚

徐都官九老會

卷三

葉道卿

觀風樓

三高亭

程光祿

晉公飯僧疏

蔡君謨題壁

郊正夫

陳君子父殿丞

鬱林石

謝希深

范文正還鄉

清遠道士詩

幽獨君詩

本禪師

吳王拜郊臺

范貫之

南翔寺

張敏叔

崑山夫子廟

孫子和

張翰

皮日休

橋名

賀方回

抄本無寺字

白公檜

癸甲先生

方子通

破山寺詩

甫里

有脚書厨

泰娘

南園詩

朱子奢

錢氏納土

白馬欄

禪月大師

卷四

太公避地處

范忠宣公

滕章敏公結客

思賢堂

顧學正

鄭希尹

執爨詩

王元之画像

雙蓮堂

慧感夫人

孫若虛滑稽

元少保

仲姝

如村

鄭毅夫吳江橋詩

張幾道挽詩

夜航船

范文正不取燒煉方

俗語

方子通詩誤入荆公

集

盧發運

大雲翁

花客詩

中吳

祖姑教子登科

范祕丞

徐朝議

顏夫子

信義縣

李無悔

蠲

大本錢五後身

郊正夫失鶴詩

黃姑織女

孫積中

王主簿

著作王先生

第五卷

抄本無錢
王二字

抄本世孫子
詔三字

抄無陳了
翁三字

唯室先生

姑蘇百題詩

范祕書

張子韶與周煥卿簡

蝦子和尚

郭家朱砂圓

陳了翁鱸鄉亭詩

起隱子

閻丘大夫

寶嚴院

洞庭山

方子通紅梅詩

范無外

綽堆

陸彥猷

翠微集

三老病死

郊子高

謝應求

獄山

王學正

范文正為閻羅王

吳縣寇主簿詩

盤溝大聖

魏令則侍郎

圖經刊誤

草腰帶聽聲

壓雲軒詩

翟忠惠

白雲泉

謂三命

范文正翻

臞菴

蠡口

蛇化為劍

賈表之

抄本無吳縣
二字

易承天爲能仁寺名章戶部

王教授祭學生文 沈元叙滄浪亭詩

卷六

西樓詩 郭仲達

凌佛子 崑山學記

王唐公 顧景繁

慈受禪師 蔣侍郎不肯立坊名

孫郎中 潘悅之侍郎

南北章 余良弼占卦影

王彥光 狀元識

四幡之助 樂菴

吳江詞 石湖

丁令威宅 周朝宗

蘇之繁雄冠於浙右

朱光祿 翟超

正訛 叔父記館中語

徐聖望 羊充實

蘇民三百年不識兵

抄本無料父三字

抄本無三字

之彙老

紀異

朱氏盛衰

徐雅山

無菴

結帶巾

周妓下火文

諧謔

思韓記

徐氏安人詩

吳中水利書

中吳紀聞目錄終

中吳紀聞卷第一

宋 崑山龔明之希仲 紀

明 虞山毛 晉子九 訂

范文正公

天聖五年范正公居母喪上書宰執請擇郡

守舉縣令斥游惰去冗僭遴選舉崇教育養將

材實邊備係直臣斥佞使朝廷無過生靈無

怨以杜奸雄凡萬餘言時王文正公曾為相見

而偉之服滿薦充館職由此為人主所知不次

擢用慶曆三年九月拜叅知政事上開天章閣
訪以治道公條陳當世急務十條一曰明陟黜
二曰抑僥倖三曰精貢舉四曰擇官長五曰均
公田六曰厚農桑七曰修武備八曰覃恩信九
曰重命令十曰減徭役上嘉納之一歲之間次
第舉行無或遺者公初上宰相書即受知於王
文正後陳十事即見聽於仁宗雖曰抱負奇偉
不容不見於施設自非聖君賢相委曲信任之
亦安能行其所學耶

許洞

許洞太子洗馬仲容之子

洗馬墳在城西

登咸平三年

進士第平生以文章自負所著詩篇甚多當世
皆知其名歐陽文忠公嘗稱其為俊逸之士所
居惟植一竹以表特立之操吳人至今稱之曰
許洞門前一竿竹真廟祠汾陰時洞為均州叅
軍在路獻文章令召試中書

予之族妹適洞之曾孫見其家藏洞

之敕牒三四紙

洞與潘閔錢易為友狂放不羈閔坐盧多遜

黨岱命乃變姓名僧服入中條山洞密贈之
詩曰潘逍遙平生才氣如天高倚天大笑無
所懼天公嗔汝口^山呶呶罰教臨^山老頭補衲歸
中條我願中條山神鎮長在駟^雷雷叱電^前趕出
這老怪

丁陳范謝

錢武肅王鏐之子廣陵王元璩廣陵王之子威
顯王文奉皆為中吳軍節度使開府於蘇時有
丁陳范謝四人者在賓幕丁諱守節陳諱贊

明范諱夢齡謝諱崇禮職中吳軍節度推官俱
以長者稱守節者丞相謂之祖贊明者屯田之
奇字虞卿之曾祖夢齡者參政仲淹之曾祖崇
禮者太子賓客濤之父其子孫又皆登高科躋
膺仕足見慶源深厚矣

辟疆園

當作辟強

吳中舊傳池館林木之勝惟辟疆園為第一辟
疆姓顧氏晉人見於題咏者甚眾李太白云柳
深陶令宅竹暗辟疆園陸羽云辟疆舊林園怪

樹無字

石紛相向陸龜蒙云吳之辟疆園在昔勝槩敵
皮日休云夏葺園中景應爲顧辟疆近世如張
伯玉亦云于公門館辟疆園放蕩襟懷水石間
今莫知其遺跡所在

鬪百草

吳王與西施嘗作鬪百草之戲故劉禹錫詩云
若共吳王鬪百草不如應是欠西施

陳君子

陳之奇字虞卿鄉人以其有賢德故以君子稱

之初登第爲鄱陽尉後爲丹徒泰興令李瑋尚
秦國大長公主下國子監舉通經術有行義者
爲教授遂以公充選未幾乞致仕遷太子中允
時年未五十俄除平江軍節度掌書記復以爲
教授詔裝錢促遣之力辭不赴公道德著於鄉
雖閭巷小兒亦知愛敬有爭訟久不決者跨蹇
驢至其家以大義感動之皆爲之革心自掛冠
後閑居十八年熙寧初卒葬花山王岐公爲作
誌題之曰陳君子墓銘始公之謝事也蔣堂侍

郎語人曰舉天下皆知有富貴而虞卿獨以知
止易衆人之心吾喜林下有人矣因爲賦詩曰
寵秩拜春坊歸休識慮長掃門卑魏勃設醴謝
元王一水尊鱸國群山橘柚鄉喜君添老社煙
駕出徜徉張伯玉郎中亦贈之詩曰東吳王孫
歸掛冠玉絲紅鱸滿雕盤狂吟但覺日月久醉
舞不知天地寬小圃移花山客瘦夜窻搗藥橘
童寒新書近日成多少且告先生旋借看

梅聖俞與僧良玉詩

峴山慧聚寺僧良玉字蘊之僧行甚高旁通文
史之學又善書工琴棋因游京師梅聖俞見而
喜之以姓名聞于朝賜以紫衣其東歸也聖俞
以詩送之曰來衣茶褐袍歸變樵色服扁舟洞
庭去落日淞江宿水煙晦琴徽山月上巖屋野
童遙相迎風葉鳴橡櫺後潛遁故山專以講經
爲務號所居曰雨花堂

半夜鍾

唐張繼宿楓橋詩云月落烏啼霜滿天江村漁

火對愁眠姑蘇城外寒山寺夜半鍾聲到客船
昔人謂鍾聲無半夜者詩話嘗辨之云姑蘇寺
鍾多鳴於半夜予以其說爲未盡姑蘇鍾唯承
天寺至夜半則鳴其它皆五更鍾也
此張繼詩
王氏學林

新編誤以
爲溫廷筠

白樂天

白樂天爲郡時嘗携容滿蟬態等十妓夜游西
武丘寺嘗賦紀游詩其末云領郡時將久遊山
數幾何一年十二之少亦非多可見當時郡

政多暇而吏議甚寬使在今日必以罪去矣

六經閣記

姑蘇自景祐中范文正公典藩方請建學其後
富郎中嚴繼之又建六經閣張伯玉公達嘗爲
郡從事遂命爲之記今但傳其篇首數句聞見
錄又誤載其始末予家偶藏公達所著蓬萊集
恐後人不復見全文也因具載之六經閣子史
在焉不書尊經也吳郡州學始由高平范公經
見之其後天章蔣公待制中書柳舍人史館昭

石下抄本
有字
文解作孫
續心下字
接連至

今尚書富郎中

又鑑有西字
作西成年疑
丙戌之新以
唐八年丙戌
上湖景祐四
丁丑為十年

文張陸二學士行郡事殿中丞李仲塗先生之
猶子中臺柳兵曹今尚書富郎中十年更八政
仁賢繼志學始大成而○○六經閣又建先時
書籍草創未暇完讞厨之後廡澤地汗晦日滋
散脫觀者惻然非古人藏象魏拜六經之意至
是富公始與吳邑長洲二大夫以學本之餘錢
儻之市材直公堂之南臨泮池建層屋起夏六
月乙酉止秋八月甲申凡旬有七浹計庸千有
二百作楹十有六棟三架雷八楠三百八十有

東嚮文館
同抄作志
南

四二戶六牖梯衝窠梳圩墁陶甓稱是祈於久
故爽而不痺酌於道故文而不華經南嚮史西
嚮子集東嚮標之以油素揭之以油黃澤然區
處如蛟龍之鱗麗如日月之在紀不可得而亂
大抵天地之極致皇王之高道生人之紀律盡
在是矣古者聖賢之設教也知函夏之至廣生
齒之至衆不可以頤解耳授故教之有方導之
有源乃本庠序之風師儒之說始於邦達於鄉
至於室莫不有學烜之以文物聳之以聲鶴先

用警策其耳目然後清發其靈腑故其習之也
易其得之也深其教不肅而成不煩而治歐元
元入善域優而柔之使自得之萬世之後尊
三王四代法者無他焉教化之本末馴善也然
則觀是閣者知六經之在則知有聖人之道知
有聖人之道則知有朝廷之化知有朝廷之化
則嚮方之心日懋一日禮義之澤流于外絃
之聲格于內其為惡也無所從其為善也有所
歸雖不欲徙善遠罪納諸大和不可召康公之

詩曰豈弟君子來游來歌子思之說云布在方
策人存則政舉凡百君子由斯道治斯民暢皇
極序彝倫者捨此而安適得無盡心焉諸儒謂
伯玉嘗從事此州游學滋久宜刊樂石庶幾永
永無忽

唐郎官題名

唐郎官題名碑承平時在學舍中堂之後已漸
剝缺兵火後不復存矣序文乃張長史楷書長
史以草聖得名未嘗作楷書世尤愛之題名之

人雖不一亦盡得古筆法唐世崇尚字學用此
以取人凡書皆可觀今所傳止序文爾長史蘇
人故立碑於此

丁晉公

祖守節吳越中
吳軍節度推官

公諱謂字謂之家世於冀其祖仕錢氏遂爲吳
人公少負才名先叔祖端公在鼎州日公嘗贅
文求見因贈之詩曰膽怯何由戴鐵冠祇緣昭
代獎孤寒曲肱未遂違前志直指無聞是曠官
三署每傳朝客說五溪閑凭郡樓看祝君早得

替字以立

便抄作更

文場雋況值天階正舞干淳化三年公登進士
科名在第四與孫何俱有聲當時王黃州有詩
云三百年來文不振直從韓柳到孫丁如今便
合教修史二子文章似六經祥符中爲叅知政
事上問唐酒價幾何公曰每斗三百按杜甫詩
速宜相就飲一斗恰有三百青銅錢又侍宴賞
花釣魚公詩云鷺鷥鳳輦穿花去魚畏龍顏上
釣遲上賞詠再三群臣皆以爲不及天禧中拜
相仁宗卽位進司徒兼侍中後爲章聖山陵使

擅移陵域貶將仕郎崖州司戶叅軍公自遷謫
日賦一詩號知命集後因奏表叙策立之功有
云雖遷陵之罪大念立主之功多因徙雷州移
道州復祕書監光州居住貶竄十五年鬚髮無
斑白者人皆服其量臨終半月不食焚香危坐
誦佛書以沈香煎湯時呬而已至光州謝執政
啓有云三十年門館從游不無事契一萬里風
波往復盡出生成在海上對客問天下州郡孰
大客曰唯京師公曰朝廷宰相只作崖州司戶

則崖州爲大衆皆大笑歸葬華山所居在大郎
橋號晉公坊堂宇甚古有層閣數間臨其後予
嘗至其第與公之孫德隅游德隅善篆亦工於
四六

解額

姑蘇自祥符間定制秋舉以四人爲額慶曆中
就舉者止二百人范貫之龍圖嘗作送錢正叔
赴舉序已言四人之額視他藩爲最寡熙寧元
豐間應舉者漸多增爲六人三舍旣行罷去科

此書字對四
科法言
有右是

舉法歲貢四人舍法罷乃合三年之數爲十二人紹興丙子又增流寓一名今終塲者幾二千人其額又不勝其窄矣

紅蓮稻

紅蓮稻從古有之陸魯望別墅懷^歸詩云遙爲晚花吟白菊近炊香稻識紅蓮至今以此爲佳種

陸宣公

唐書云陸贄蘇州嘉興人按武德中蘇州所管

七縣而嘉興本號長水縣改爲由拳又改爲嘉禾吳赤烏中方易今名也

太一宮

太平興國六年方士言五福太一在吳越分太一天之貴神也行度所至之國民受其福故令蘇州建太一宮後以地遠不便於禱祀遂於京城蘇村建之今天慶觀乃其舊址鄉人尚有以宮巷宮前稱者

孫百篇

吳士孫發嘗舉百篇科故皮日休贈以詩云百
篇宮體喧金屋一日官銜下玉除陸龜蒙亦有
云直應天授與詩情百咏唯消一日成其見推
於當時如此此科不知創於何代國初亦無定
制惟求應者卽命試太平興國五年有趙昌國
願試此科帝御殿出四句詩爲題詩云松風雪
月天花竹鶴雲煙詩酒春池雨山僧道柳泉每
題五篇篇四韻至晚僅成數十首方欲激勸後
學特賜及第仍詔今後應此科者約此題爲式

蘇子美

蘇舜欽字子美易簡叅政之孫慷慨有大志工
爲古文聲名與歐陽公相上下天聖七年玉清
昭應宮災子美以太廟齋郎詣登聞上疏謂天
以此垂戒願陛下恭默鹵省語甚切直時年方
二十登景祐元年進士第俄有詔戒越職言事
者子美又上書極論其不可慶曆四年授大理
評事集賢校理監進奏院當時用事者以子美
乃范文正所薦而杜正獻之壻也因鬻故紙會

真蹟抄作
詩

客事誣奏之遂除名勒停嘉祐初韓魏公為請
於朝追復元官卒年四十一山谷先生嘗有觀
祕閣蘇子美題壁詩曲盡其平生大節真蹟藏
汪玉山家今集中不載故見之於此仁祖康四
海本朝盛文章蘇郎如虎豹孤嘯翰墨場風流
映海岱俊鋒不可當學書窺法窟當代見崔張
銀鈎刻琬琰蠶尾迴縑緗擢登群玉府高閣自
生光春風吹曉雨禁直夢滄浪人聲市朝遠簾
影花竹涼秋荷瀟筆硯怨句挾風霜不甘老天

施跋及外
集亦晚

所謂主不
在子美也

信字明字
定臣字美
之及

祿誠欲舛未央小臣膽如斗朱儒棒一囊請提
師十萬奉辭問犬羊歸鞍飲月支伏背笞中行
人事喜乖忤南遷獨夜航此時調玉燭日行中
道黃柄臣似牛李傾奪謀未臧薄酒麪邯鄲老
龜禍枯桑兼官百郡邸報賽用歲常招延青雲
士共醉椒糝觴俗客避白眼徵歌舞紅裳謗書
動宸極牢戶繫桁楊一網收冠蓋九衢人走藏
庖丁提刀立滿意無四旁論罪等饕餮囚衣禦
方良姑蘇麋鹿曠風月有書堂永無湔拔期山

何字什字
試字明字
信字被字
老字以山
別集及施
元之跋

鬼共幽篁萬戶封侯骨今成狐兔岡邇來四十
年我亦投書郎雄文終膾炙妙墨見垣牆高山
仰豪氣崢嶸乃不亡張侯開詩卷詞意尚軒昂
草書十餘紙雨漏古屋廊誠知千里馬不服萬
乘箱遂令駕鼓車此豈用其長事往飛鳥過九
原色莽蒼敢告大鈞手才難幸扶將子泌字進
之任湖北運使

先嚴院之女適參政公之子宿
宿乃耆之弟於子美爲叔父

紅梅閣

吳感字應之以文章知名天聖二年省試爲第

一又中天聖九年書判拔萃科仕至殿中丞居
小市橋有侍姬曰紅梅因以名其閣嘗作折紅
梅詞曰喜輕澌初泮微和漸入芳郊時節春消
息夜來陡覺紅梅數枝爭發玉溪仙館不是箇
尋常標格化工別與一種風情似勻點胭脂染
成香雪重吟細閱比繁杏夭桃品流真別只愁
共彩雲易散冷落謝池風月憑誰向說三弄處
龍吟休咽大家畱取倚闌干聞有花堪折勸君
須折其詞傳播人口春日群宴必使倡人歌之

吳死其閣爲林少卿所得兵火前尚存子純字
晦叔文行亦高鄉人呼爲吳先生楊元素本集誤以爲蔣
堂侍郎有小鬟號紅梅
吳殿丞作此詞贈之

先高祖

先高祖諱識給事中諱慎儀之子登端拱三年
第大中祥符間用翰林學士李宗諤薦權監察
御史屬真宗東封護蹕還都遷殿中侍御史兼
左巡使時年四十有二本朝承襲唐制御史不
專言職至是始擇學術醇正操履端方可以紀

投本先高
祖亦殊存
注連上文

綱朝廷者俾入臺言事得之至難故被選者實
爲不世之榮先高祖任職踰年遽抱目疾累表
乞退遂除檢校司封郎官平江軍節度副使
先高祖登第時金花帖子尚存其制用塗金
黃紙大書姓名下有兩知舉花押仍用白紙
作一大帖貯之亦題姓名於上近吳南英於
周叅政處模寫王扶盛京二帖子名士題跋
甚衆皆以爲今世所罕見者予因歸而視其
所藏適與王扶同此一榜規模無毫髮不相

似但多白紙爲護爾今所謂榜帖者蓋起於此

趙霖水利

政和六年莊徽待制爲郡守中使以金字牌奉御筆云訪聞平江府三十六浦內自古置閘隨潮啓閉泄放水勢歲久堙塞遂致積年爲患今差本府戶曹趙霖躬親具逐浦相度經久利害繪圖赴尚書省指說旣被旨因徧歷諸縣遂得其利害霖意不過三說一開治港浦二置閘啓

成抄作起
抄作湮

成作起

開字抄無

閉三築圩累田遂條析其事合成一書奏之後略施行霖所建明與郊正夫差異霖專主置閘之說正夫則屬意於開縱浦橫塘使水趨於江而已竊謂二公之論與今日又不同往時所在多積水故所治之法如此今所以有水旱之患者其弊在於圍田由此水不得停蓄旱不得流注民間遂有無窮之害舍此不治而欲興水利難矣

黃氏三夢

建寧黃氏乃名族也因游宦遂徙居于吳黃氏
有三子皆勤於學問其父忽夢捷夫持榜帖報
黃顏者遂以名其長子已而果第久之其夢如
初乃拆偏旁名仲子以彥彥復掇高科後數年
其夢亦如初黃甚怪之又以頡名其季頡既第
顏卽死矣

崑山編

唐人劉綺莊爲崑山尉研窮古今細帙所積甚
富嘗分類應用事注釋于下如六帖之狀號崑

山編今其書尚存傳

臯橋詩

臯橋者漢臯伯通所居之地梁鴻娶孟光同至
吳居伯通廡下爲人舂役後伯通察而異之乃
舍之於家皮日休嘗賦詩云臯橋依舊綠楊中
閭里猶生隱士風唯我到來居上館不知何道
勝梁鴻陸龜蒙詩云橫絕春流架斷虹凭闌猶
想五噫風今來未必非梁孟卻是無人繼伯通
謝賓客

舊唐書
卷一百一十五
本紀

公諱濤字濟之其先三世仕吳越公幼而奇敏嘗講學于陽山澄照寺之西廡時王翰林禹偁宰長洲羅拾遺處納宰吳縣皆器重之自此顯顯於時登淳化三年第知益州華陽縣通判壽州知興國軍真宗卽位銳意任人一日中出朝士姓名有治狀者凡二十四人付中書門下令驛召至闕公在選中命知曹州有克人趙諫者交權勢結豪俠務乘人之弊以告許公奏之朝廷斬于都市乃下詔凡民非干己事無得告言

遂著于令爲兩川安撫還除三司度支判官出守海陵新安二郡俄召試直史館出爲兩浙轉運使還判司農寺兼侍御史知雜事知越州任滿拜太常少卿判登聞檢院又得請權西京畱司御史臺就拜祕書監遂分司洛下朝廷嘉其恬退遷太子賓客其子旣入臺閣迎侍于京師景祐元年卒年七十五贈禮部尚書子絳女適梅堯臣聖俞孫景初景溫公始以文學中進士上第而子孫世踐其科又父子更直館殿出處

僅二十餘年皆衣冠之盛事公分務洛下悉屏
去外累於筆硯歌詩素所耽嗜亦不復爲曰佚
我以老也數年間惟日看舊史一篇編以代賓話
一日因假寐夢中作讀史一絕云百年奇特幾
張紙千古英雄一窖塵惟有炳然周孔教至今
仁義濟生民越一夕捐館范文正公爲紀其事

張子野吳江詩

張子野宰吳江日嘗賦詩云春後銀魚霜下鱸
遠人曾到合思吳欲圖江色不上筆靜覓鳥聲

深在蘆落日未昏聞市散青天都淨見山孤橋
南水漲虹垂影清夜澄光合太湖爲當時之絕
唱

春申君

姑蘇城隍廟神乃春申君也按史記春申君初
相楚後請封於江東考烈王許之因城故吳墟
以爲都邑吳地志亦云春申君嘗造蛇門以禦
越軍其廟食於此也固宜

越絕書曰
跡深宜學
不應取之云
春申君封越
史記之言爲

似不同要當以
越絕書云吳伐楚封
春申君於吳其說又

蔣密學

蔣堂字希魯嘗兩守此郡後既謝事因家焉自號曰遂翁所居曰靈芝坊作園曰隱圃隱圃之內如巖扃水月菴煙蘿亭風篁亭香巖峰皆極登臨之勝公喜賓客時為宴會時以詩篇為樂范貫之龍圖嘗賦詩云勇退人難事明公識慮長波濤濟舟楫霜雪見松篁林下開前圃花間撤亞槍二疏良宴會老杜好篇章道向清來勝機於靜處忘當除印如斗試一較閑忙

丁晉公拜老郁先生

祥符中丁晉公自叅知政事拜平江軍節度使知昇州時建節鉞者出入必陳其儀度既還本鎮鄉人為之改觀公在童齧時嘗從老郁先生學先生居光盪巷師孟之父戶部至是首入陋巷詣先生之居以兩朱掖之拜于其下先生惶懼大聲呼之曰拜殺老夫矣既坐話舊極款密且云小年狹劣荷先生教誨痛加擯楚使某得成立者皆先生之賜也先生愈不自安不數月

果卒公遣吏為辦棺斂葬埋之物甚厚吳人至今以為美談

李璋

李璋志其居盤門內為人不羈王荆公甚愛其

才嘗有送行詩云湖海聲名二十年尚隨鄉賦

已華顛卻歸甫里駕三徑擬傍胥山就一廛朱

轂風塵休悵望青鞋雲水且留連故人亦見如

相問為道方尋木雁篇又有公下第詩云浩蕩

宮門白日開君王高拱試群才學如吾子何憂

為集作云

失命屬天工不可猜意氣未宜輕感慨文章尤
忌數悲哀男兒獨患無名爾將相誰云有種哉
由此聲譽益著後以特恩補官孫益字彥中擢
高科歷監察御史居常熟

公素好譏諢有一故相遠派在吳中嘗於

地書其壁曰大丞相再從媿某嘗遊公

因題其傍曰混元皇帝三十七代孫李璋繼

至嘗赴特奏恩語同試者因廷唱日必不以

名見呼止稱某排第耳眾皆不以為然厚與

後唐書葉
十一小字注
作陳位三移耳

之約已而進狀云因在京師有遠族相遇譜
系亦有以璋名者欲以玖易之它日殿下果
唱李玖蓋公排第九也

木蘭堂詩

木蘭堂多爲太守遊燕之地范文正公作守時
嘗賦詩云堂上列歌鍾多慚不如古却羨木蘭
花曾見霓裳舞白樂天在蘇嘗教倡人爲此舞
也

堂之前後皆植木蘭榦
極高大兵火後不存

林大卿買宅

州民有宅一區多出變怪無有售之者林顏大
卿獨求買之旣徙入中夜據廳事獨坐以示其
不恐忽見一白衣婦人縱其所如俄至一處所
潛伏不見詰朝使人穿其地得銀百餘錢其上
皆鑄一林字此無異尉遲敬德事也

富祕監

富祕監嚴丞相忠文公之叔父也登大中祥符
四年第慶曆中以刑部郎中守鄉郡嘉祐中守
祕書監致仕退居于家未嘗一造府治終年無

毫髮干請士大夫皆賢之皇朝類苑嘗載其事
卒贈司徒葬寶華山有子臨娶先都官之女監祕
與都官聘飽學能文終池陽守鈞洵及元衡擢
書今尚存進士第皆祕監公之曾孫也

智積菩薩

靈巖寺乃智積開山之地智積當東晉末自西
土來此拈立伽藍泗州僧伽持鉢江南至常之無
錫聞智積在蘇卽回曰彼處已有人矣由此名
遂顯有一貧嫗慕其行嘗持角黍爲獻智積受

之嫗因得度至今上己日號智積誕日聚數
百嫗爲角黍會

三江口

松江之側有小聚落名三江口酈善長云松江
自湖東北逕七十里至江水分流謂之三江口
吳越春秋云范蠡去越乘舟出三江之口入五
湖之中皆謂此也三江卽禹貢所指者

楊惠之塑天王像

慧聚寺有毘沙門天王像形模如生乃唐楊惠

雜記
作雅山

之所作惠之初學畫見吳道子藝甚高遂更爲
塑工亦能名天下徐稚山侍郎以此像得塑中
三昧嘗紀其事謂其傍二侍女尤佳且戒後人
不可妄加塗飾近爲一俗工修治遂失初意

王贄運使減租

初錢氏國除而田稅尚仍其舊畝稅三斗浙人
苦之太宗乃遣王贄爲轉運使轉運衙舊在姑蘇州治之西偏
均兩浙雜稅贄悉令畝稅一斗使還大臣有責
其增減賦額者贄謂畝稅一斗天下之通法兩

浙既已爲王民豈可復循僞國之制上從其說
浙人至今便之周文襄公不曰爲王贄時乃爲之

鬪鴨

陸魯望有鬪鴨一欄頗極馴養一旦驛使過焉
挾彈斃其尤者魯望曰此鴨善人言見欲附蘇
州上進使者奈何斃之使者盡以囊中金以窒
其口使徐問其語之狀魯望曰能自呼其名爾
使者憤且笑拂袖上馬復召之還其金曰吾戲
耳

中吳紀聞卷第一

虞山毛晉校刊 男辰再校



